



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Naalakkersuisunut apeqquut:

- 1. 2017-imut aningaasanut inatsisissatut siunnersuummi pingaarnertut kontomi 20.30.09 normulerneqarsimasumi ukiumut atuineq inoqarfikkaartumik aggulullugu qanoq ukiuni kingullerni marlussunni isikkoqarsimava?**
- 2. Namminersorlutik Oqartussat utaqqiisaasumik inissiinermut atortakkanik qassinik inissaateqarpat?**
 - a. Qassinik sinittarfeqarnerat aallaavigalugu inoqarfikkaartumik aggulullugit takussutissartai qanoq isikkoqarpat?**
 - b. Hotelini inissiisarfinnilu allani unnuinerit qanoq amerlatigippat?**
 - c. Utaqqiisaasumik inissiinermut init Namminersorlutik Oqartussanit atorpeqartartut ukiumiit ukiumut nikerarpat?**
 - i. Nikerarnerannut suna pissutaava?**
 - ii. Nikerannginnerannut suna pissutaava?**
- 3. Naalakkersuisut Namminersorlutik Oqartussat utaqqiisaasumik inissiinermut piffissaq ungasinnerusoq isigalugu qanoq pilersaaruteqarpat?**

(Inatsisartunut ilaasortaq, Hans Enoksen, Partii Naleraq)

Tungavilersuut:

Ukiuni makkunani pisortani aningaasartuutikillisaaneq pileruttorpoq.

Piffissaq ungasinnerusoq isigalugu pisortani atueriuserput iluarsartuullugu pinissarput anguniagaavoq.

Pisortat sullissinerata appariarujussuanninnissaa angusariaqarmat, tamassuma anguniarnerani eqqortumik tulleriissaarinissarput pingaaruteqarpoq.

Ullut suliffiit qulit qaangiutinnginnerani akineqarnissara kissaatingaara.